

Barisan pilih calon terbaik: Mahathir

Oleh Agoes Kholil

KOTA KINABALU, Selasa - Barisan Nasional (BN) akan menggugurkan pemimpin yang melakukan kesalahan yang tidak boleh dimaafkan pada pilihan raya umum akan datang, kata Datuk Seri Dr Mahathir Mohamad, hari ini.

Perdana Menteri berkata, perkara itu adalah antara kriteria yang digunakan dalam memilih calon pada pilihan raya umum itu kelak dan menegaskan BN akan memilih calon yang terbaik dalam semua segi.

"Tetapi orang baik pun kadang-kadang ada juga yang tak baik. Tiada manusia sempurna, saya akui itu.

"Bagaimanapun, kalau benda yang dia buat itu kita tidak boleh maaf, kita terpaksa gugurkan dia," katanya menjawab soalan pemberita di sini, sebelum pulang ke ibu negara pagi ini.

Kriteria lain dalam menentukan calon, tegasnya, termasuklah kesetiaan kepada perjuangan dan kemampuan memikul tanggungjawab.

Dr Mahathir yang juga Pengerusi BN berkata, pemimpin yang menyeleweng tidak ada tempat dalam BN dan jika ada bukti mereka bersalah, tindakan tegas akan diambil.

Bagaimanapun, beliau menekankan, tindakan tidak boleh diambil berdasarkan tuduhan semata-mata sehingga mereka didapati bersalah.

"Kalau menyeleweng kita akan ambil tindakan. Tetapi kadang-kadang ada tuduhan yang tidak berasas dan tidak adillah kalau kita ambil tindakan berasaskan tuduhan semata-mata," katanya.

Mengenai kenyataan Presiden Parti Bersatu Sabah (PBS), Datuk Joseph Pairin Kitingan, bahawa pihaknya sedia bekerja sama demi pembangunan Sabah, Dr Mahathir berkata BN menyambut baik kesediaan itu.

Menurutnya, negara memerlukan pembangkang yang bertanggungjawab, bukan yang hanya memainkan isu untuk kepentingan mereka.

"Kita nak pembangkang yang bertanggungjawab, bukan jenis macam (Lim) Kit Siang. Dia tu bukan bertanggungjawab, cuma korek benda yang kotor. Tak kotor pun dia bagi kotor juga," katanya.

Perdana Menteri berkata, dalam perkara yang tidak membabitkan rakyat sepatutnya ada kerjasama untuk kekan rakyat.

"Sebenarnya dalam perkara nasional dan perkara yang tidak sentuh patut ada kerjasama.

"Umpamanya dalam soal agar perlunya Pas selalu cari jalar tentang Umno.

Mengenai kenyataan Pairin beliau mungkin menimbang ada jemputan untuk menyertai BN, Perdana Menteri berkata ini BN belum membuat itu.

Dr Mahathir juga berkata, suh kekal dalam politik dan malkan tolak ansur.